

QUÆSTIO MEDICA,
QUODLIBETARIIS DISPUTATIONIBUS
MANE¹ DISCUTIENDA
IN SCHOLIS MEDICORUM,

Die Martis 25 Februarii 1721.

M. JOANNE CORDELLE,
DOCTORE MEDICO, PRÆSIDE.

An perpetuus & cordis à sanguine & sanguinis à corde motus ob æquilibrium?

I.

MACHINAM, quam distinguimus ab organo sive instrumento, vocamus corpus constans ex multis partibus ita invicem compositis, ut una, quæ Princeps dicitur, moveat secundam, secunda tertiam, tertia quartam, & ita deinceps, donec tota compages motus destinatos obeat: Ergo (a) corpus humanum est machina; & quidem machina perennis, in quâ causâ motûs mechanica princeps efficacîâ nec interruptâ, nec cessaturâ, quamdiu machina constabit, alias mover partes sine ullâ causâ extrinsecâ, quæ motum restituat cessantem: Itaque, quoniam causâ motrix mechanica tantum perdit motum, quantum communicat; pro motu à causâ principe communicato alius in eandem eademque proportionem redit, alioqui tandem iners remaneret: Motus autem ille in causam principem refluxus nascitur ab origine intrinsecâ machinæ, alioqui perennis nec esse nec dici posset; proinde partes à causâ principe motæ & vicissim & æqualiter movent causam principem: Cumque mutua sit motuum communicatio & à causâ principe in partes eidem subordinatas & ab subordinatis in causam principem, motus in machinâ non modò non sunt contrarii, sed potius invicem concordēs, adiutores, effectores: interque causam principem & partes simul omnes eidem subordinatas accuratum intercedit æquilibrium, pendens & à summo motore Deo, & à magnâ orbis universi machinâ, & à partium in ipso corpore omnium invicem constructione. Porro in machinâ perenni

a Borell. 1. part.
prop. 3.

A

b D. Mariotte.
c Borell. 1. part.
 prop. 4.

d Physici.
e D. Mariotte.

f Mechanici.
g Borell. Præf.
h Idem 2. part.
 prop. 68, 71.

i Louver.
l Idem.
m Harvey.
n Idem.
o Borell. 1.
 part. prop. 73.

a Harvey.
 Steno, Louver,
 &c.
b Idem.
c Steno observ.
 de corde.

æquilibrium consistit in pari utrimque momento ad agendum fungendumque reci-
 proce. Quasnam verò inter partes æquilibrium ? Inter partes solidas & liquidas ;
 nam, quia & liquidæ solidas & solidæ liquidas impellunt, adelt agendi fungendi-
 que reciprocatio : jam (*b*) actio liquorum consistit in fluxu aut in nisu ad fluxum
 suo, (*c*) actio autem partium solidarum in contractione aut in suo ad contractio-
 nem conatu : Ergo 1^o. Si liquorum perpetuò fluentium momenta majora sunt quam
 partium solidarum, nullum intererit æquilibrium ; at, superante liquorum efficaciâ,
 partes solidæ (*d*) suâ sponte inertes in uno eodemque sitûs renote perseverabunt,
 tensæ, si liquores tendere eas nati, si laxare, laxæ, aliunde verò, (*e*) liquores
 ipsi nullum suapte sponte fluxum habent, proinde instar arboris machina iners tor-
 pebit : 2^o. Si partium solidarum momenta majora sunt quam liquorum, nullum rursus
 æquilibrium ; sed, vincente partium solidarum efficacitate, durante earumdem
 contractione, tum ipsæ, quia suâ vi inertes, torpebunt, tum liquores, qui nullum suâ
 vi fluxum habent, stagnantes manebunt, & quamvis fluxum molientur, irritò im-
 petu hebescent : proinde æqualia utrobique momenta, partes itaque solidas inter
 & liquidas æquilibrium. Partes autem in corpore nostro nonne partim liquidæ soli-
 dis, partim solidæ liquidis, ut vigeat æquilibrium, favent ? Mutua prorsus isthæc
 officia ; quoniam nullum suâ sponte aut fluxum liquidæ partes aut solidæ motum
 obtinent ; quoniam in machinâ perenni & à causâ principe in partes illi subordina-
 tas, & ab hisce in illam mutuâ communicatione motus omnino circumflunt ; quo-
 niam cum impulsu liquores dilatant vasa, tum vasa contracta prorsum premunt li-
 quores ; quoniam denique alteræ alterarum auxilio egent, nec stagnante sanguine
 cor, nec corde torpido sanguis, pergunt moveri ; utrobique simul nascuntur, vigent,
 crescunt, desinunt motus, motuum vices, variationes, incrementa, decrementa. Jam
 (*f*) quæ pars est in machinâ perenni quæ majori efficacitate poleat, ea causâ motus
 princeps mechanica censeri debet. Atqui (*g*) inrer partes solidas pollent efficaciâ soli
 muscoli, (*h*) inter musculos cor unum validissimus ; Inter partes itaque solidas causâ
 motrix princeps cor. Rursum inter liquores in nostro corpore vel sensibus vel argu-
 mentis indubitatis approbato fluxu sanguis vehementissimo rapitur ; ut sanè pro-
 bant, pulsus rapidissimus (*i*) intra horam unam bis millicies & quingentes micans,
 (*l*) sena totius liquoris intra singulas horas per cor circutio, (*m*) vehemens impetus
 saltusque longissimus ejusdem è venâ sectâ erumpentis, (*n*) cita totius corporis in-
 tra tempus semihorâ minus per apertam arteriam exanatio, (*o*) vis denique cordis
 sanguinem adurgentis quæ pondus libras 180000 appendens exsuperat ; præterea verò,
 ut sua nostræ machinæ simplicitas constet, cumque liquor sanguineus sufficiat unus
 omnibus officiis, cæterique, qui obtruduntur, liquores habeant naturam, existen-
 tiam, vim, maximè contraversas, cur causas ignotas, imò commentitias amplectimur,
 spemimus obvias ? Itaque inter liquores motrix causâ princeps sanguis. Ergo cor inrer
 & sanguinem æquilibrium : Sicut autem partes inter solidas multa invicem æquili-
 briorum genera, dum v. g. fibræ invicem & contractionem & dilatationem machi-
 nantes æquilibrantur ; ita inter liquores, dum liquor intra certa vasa contentus librat
 liquorem intra correspondentia vasa contentum. Quia verò nec corde torpente san-
 guis, nec stagnante sanguine cor, constanter movent & moventur, sed utraque causâ
 sociatâ in eandem actionem efficaciâ totam machinam agitant ; una in toto corpore
 humano causâ motrix princeps censeri debent suam simul efficieniam communicando
 ac sociando cor atque sanguis ; utrumque proinde simul vi conjunctâ cæteras omnes
 in corpore partes æquilibrant.

II.

SCILICET (*a*) cor, arteriæ, venæ, vasa in corpore nostro quælibet, fibræ
 & denique omnes insigni pollent claterio ; (*b*) ita ut cor ex animali vivo recens ra-
 pidissimas ac longo tempore perseverantes vibrationes obeat, immixtum secto apice
 digitum violenter premat, injectum liquorem validè ejaculetur, (*c*) parvulâ vel acûs
 pungentis vel aquæ calefacientis vel liquoris exagitantis vel manus forentis vel ha-

litis excitantis vi exsuscitetur jam mortuum, ac motus dilatationum contractionumque alternos fortiter intaufret. Hinc cor, arteriæ, venæ, vasa sanguine vacua, ætæ autopsiâ, inveniuntur nec maximè contracta ita ut subsidentes in sese parietes nullam jam cavitatem patefiant, nec maximè dilatata ita ut parietes longissimè distracti cavitatem pandant amplissimam: ille status, in quo acquiescunt, medijs inter maximas & contractionem & dilatationem, debet censi naturalis, à quo discedant utrinque alternis vibrationibus, hinc quidem in maximâ contractione, inde autem in dilatatione maximâ: Ergo nec cordi, aut arteriis, aut venis, aut ullis denique vasis maximæ sive dilatatio sive contractio censentur naturales, sed potius violentæ: Nec copia contenti liquoris æstimanda ex cavitare vasorum, quantum status naturalis ostendat, nam sanguine dilatante sit cavitatis eorumdem longè capaciôr. Scilicet in corpore elastico tum ratio tum experientia manifestissimè docent, violentæ unam in partem compressioni succedere violentam in partem alteram ultra statûs naturalis terminos reflexionem, magnæ magnam, majori majorem, æquabili æquabilem; (d) Si nulla causa extrinseca obfuerit, utramque & æqualem & perpetuam; Si paulatim minor alterutra, corpus tandem cessare suâ sponte à vibrationibus; Si paulatim alterutra major, tandem corpus immodicæ vibrationis impatiens diffringi. Atqui sano & moderato corpore cor nec diffringitur nec ab alternâ vibratione cessat: qui etiam sano & tranquillum carpente somnum corpore (qui e) status tutissima pulsuum naturalium dignoscendorum regula) ex pulsa prorsus æquabili judicatur evidenter, vibrationes fieri dilatationum & contractionum in venis, in auriculis, in ventriculis, in arteriis singulas invicem æquales, æquali velocitate, magnitudine æquali, denique prorsus æquabiles. (f) Quamvis autem singulæ invicem æquali tempore, non eodem omnes vibrationes obveniunt. Nam alternis venæ & auriculæ contrahuntur ac dilatantur; quia, contractis auriculis, sanguine in venas indefinenter affluente nec habente effluxum, (g) venæ aliquantum licet obscurius intumescant, necesse est, detumescant autem dilatatis auriculis: sed venæ Cava & Pulmonaris simul dilatantur, simul contrahuntur. (h) Alternis auriculæ & ventriculi, ergo venarum dilatatio dilatationi ventriculorum, contractio contractioni *ὀψυχον*: at auriculæ simul ambæ dilatationem, simul contractionem ineunt; ventriculi pariter simul dilatantur, contrahuntur simul. (i) Alternis ventriculi & arteriæ Aorta ac Pulmonaris, itaque auricularum dilatatio dilatationi arteriarum, contractio contractioni *ὀψυχον*: ipse verò simul arteriæ contrahuntur, dilatantur simul. Proinde contrahuntur ac dilatantur, vicinæ quidem quoad sanguinis circuitum partes alternis, simul partes unâ interpositâ sejunctæ. (l) Illæ vibrationum alternationes obveniunt ex necessitate mechanica: Demonstrat experientia fluente naturaliter sanguine; Testatur autopsiâ, (m) aut in cane vivo dum modò stringitur, modò laxatur vena cava, aut in cane recens mortuo dum (n) vel aqua per venam cavam, (o) vel per pulmonarem aër intromittitur, (p) aut in corde prorsus exempto & duntaxat exagitato: Probar verò evidentissimè textus ipse connexioque fibrarum. (q) Nam auriculæ, cor, arteriæ ita invicem construuntur, ut fibræ unum texentes aut sint communes alteri, aut fibris alterum textentibus connexæ; adsunt ad quatuor officia singuli tendines, orbiculariter texti, totidem (r) forsan compacti fibris, sed tenuioribus ut potè sanguine non turgidis ideoque albicantibus, quot ipsum cor textitur; qui inde ad aurículas valdè musculosas, inde ad arterias nonnihil quoque musculosas desinunt; sunt ergo ii tendines & cordi & auriculis & arteriis communes. Ideò auriculæ, dum contractionem ineunt, trahendo dilatant inde venas, inde ventriculos, ubi dilatationem moliantur, alternam eisdem contractionem permittunt: Patiter ventriculi, dum subeunt contractionem, trahendo dilatant & aurículas & arterias; ubi dilatationem affectant, contractionem eisdem alternam permittunt: Denique artetix, ubi contrahuntur, suos laxant ventriculis tendines; eosdem stringunt, ubi dilatantur: Nempe ii tendines communes sunt variè mobiles, modò in unam, modò in alteram partem sequaces, neutri obsequuntur quin alteram convellant, neutram convellant quin alteri obsequantur. (s) Rursùm & sanguis ad cordis motum & cor ad sanguinis fluxum mutua machinæ necessitate requiruntur: Unde 1^o. (r) Corde aut laso aut pulsante vel

d D. Mariotte.

e Bellinus.

f Hærv.

g Boerll.

h Harveyus.

i Harveyus.

l Bellinus da
motu cord.

m Steno.

n Steno.

o Magav.

p Steno.

q Harveyus.

r Louver.

s Bernoll. th.
de motu muscul.u Harveyus,
Steno, Bellin.
&c.v Bellinus de
Fetrib.

n Steno.

n Steno.

y Bellinus de
Tebibus.

z Boyleus.

debilius vel potentius, pulsus continuò vitiat, proinde sanguinis fluxus: 1.^o (u) intermisso aliquamdiu sanguinis in cor impulsu, omnes simul intermisse vibrationes & alternationes vivificæ, (x) residua duntaxat quasi quædam palpitatio, qualis ab elaterio in corde recens avulso nascitur; (x) postea instaurato celeriter affluxu sanguinis in cor, instaurata simul omnia: 3.^o (y) Sanguinis vel motu solo vel copiâ solâ aut per excessum aut per defectum vitiat (cætera sint aliunde sana omnia) pulsus continuò vitiat, proinde simul cordis vibrationes. 4.^o Cum à sanguinis & compressi (z) elaterio & impulsu nisi eadem jvantur vibrationes, hæc multò robustiores evadunt, quam in corde exempto solent.

III.

a Metry.

b Harvæus.

c Dodart.

Tournesfort.

Motin, Merry.

d Idem.

e Idem.

f Idem.

g Idem.

h Idem.

i Idem.

k D. Merry.

l Louvet.

m Ruisch.

n Ruisch.

o Ruisch.

p Ruisch.

q Harvæus.

r Borellus, Ber-
nullius.

JAM (a) in homine sano tranquillum carpente somnum sit circuitio sanguinis & continua & uniformis: (b) idè in cor hiant vasa sanguifera quatuor, duæ arteriæ, venæ duæ: (c) arteriæ in homine adulto (quod exemplum assumimus) truncos habent æquali prorsus amplitudine, ergo par liquoris copia pari tempore pari velocitate utrobique fluit, sed est Pulmonaris texturâ duplo tenuiori: (d) Trunci venarum, singularum collecti in unum, inæquali cavitare, duplò circiter ampliorem in Cavâ quàm in Pulmonari, itaque lenior in illâ fluxus: (e) Venæ arteriis suis longe capaciorem, fluxus proinde in illis tardior atque languidior. Vasa quatuor hiant in cavitates quatuor: Venæ in aurículas, (f) pari utramque amplitudine; (g) dextram crassioribus multò validioribusque textam fibris: Arteriæ in ventriculos, (h) auriculis singulos minores suis, sed crassiori donatos texturâ, (i) ferme æquali, imò æquali ambo cavitare, (unde tantundem & admittunt & emittunt sanguinis, (k) septo medio & crassissimo & impervio, dextrorsum convexo, sinistrorsum concavo divisos, sinistrum texturâ triplò circiter crassiori compactum. Attamen licet ambo ventriculi inæquali vi motrice polleant, quoniam simul ambo eodem tempore puncto contrahuntur ac dilatantur, (l) eadem uterque celeritate sanguinem (in dextro ventriculo, qui major multis videtur, haud sanè minus copiosum) extrudunt in arterias; sed dextrum infirmiorum validior sinister, septo communi, adjuvat ob fibras communes; alioqui dexter sinistro non satis suppedicaret sanguinem, circuitio nec continua nec uniformis esset, quia per arterias Pulmonarem & Aortam æquè capaces non par eodem tempore copia sanguinis trajiceretur. Mutua porrò ventriculorum auxilia nascuntur à fibrarum textu, (m) quarum quatuor sed duo maxime sunt ordines, aliarum à tendinibus ad apicem tendentium sinistrorsum, aliarum ab iisdem ad eundem dextrorsum; quarum omnium cum paucæ ad apicem usque perveniant, pleræque, postquam ad minorem aliarum aliis successivè longitudinem excurrere, reflexæ per decussationem viâ, tendines reperunt; quædam ventriculo dextro proprium textum, quædam sinistro suum, aliarum communem utrique effingentes, crassam musculi validissimi texturam componunt. (n) Perreptant texturam illam & irrigant arteriæ duæ coronariæ, venæque cognomines, (o) illæ sanguinem in carnem cordis & auricularum molem derivant, (p) hæc eundem partim in auriculam dextram partimque in ventriculum dextrum revehunt. (q) Arteriæ coronariæ hiant in Aortam, paululum supra valvulas semilunares, intra pericardium: Ergo illæ & Aorta simul contrahuntur, simul dilatantur; itaque & cor & illæ alternis. (r) Nam corde se contrahente Aorta sanguine affluente dilatatur, proinde Arteriæ coronariæ orificium & semper patens nonnihil & tum ductus per dilatationem fibrarum multò patentius sanguini irruenti & quoquoersum nitenti inhiabit, sanguine autem subeunte arteriæ coronariæ intumescunt; contrà verò in Aortæ contractione densatis in sese fibris orificium earundem coarctabitur, eadem contractione sanguis prorsum impulsus non poterit viam per arterias coronarias retrogradam inire; aliunde corde dilatato fibræ arteriæque longiores sunt, compensante ergo crassitudinem longitudine requiores, igitur minus plenæ seu vacuæ; contracto autem corde fibræ arteriæque breviores, itaque crassiores, proinde pleniores. Nonne igitur à sanguine per arterias coronarias illato vis adventitia cordis, sicut ab elaterio propria? Nempe per illas in ramulos

divisas incredibiliter multos ita ut in quavis fibrâ musculosâ visibili adsint innumeri, sanguis vi intrusus singulas arteriolas implebit, implendo dilatabit, in rectiorem à concavo, à convexo, à tortuoso ductum extendet, breviabit; ex plenâ, dilatata, breviata, directæ ventriculos & suâ abbreviatione arctabunt, & suâ mole opplebunt, nullamque jam relinquunt cavitatem; sanguis ibi contentus foras exprimitur violentissimè: Idque eò sive manifestius sive probabilius, quod (s) musculosæ carnes idèò tendinibus sint & tumidiore & rubicundiores, quia sanguine copiosiori irrigantur, unde ex eloto sanguine eandem cum tendinibus albedinem, tenuitatem, consistentiam adipiscuntur; (t) quod abscessû aut ligatâ venâ iners cor totum evadat; licet, (ut (u) observasse se testatur doctissimus Sidobrius) in cane vivo abscessis nervis cardiacis pergat suas cor peragere pulsationes, atque febricitans cum pulsu valido & alto canis emoriatur; & si non accurata sit observatio, aliter explicatur; quod denique eo pacto possint & fieri & explicari omnia in corde contracto phenomena, duritas, crassitudo fibrarum, vis ad impellendum sanguinem, color jam pallidus, quia minor arteriarum pelluciditas & minor in venis jam copia sanguinis, elongatio cordis quam in cane vivo licet manifestissimè experiri, minor totius externa crassitudo quam se deprehendisse testatur Herveus, quamque tactu percipere in cane vivo pronum est. Nonne eandem ob causas auricularum à sanguine affluente contractio? Cum hoc tamen discrimine, quod sanguis in eas non recto ductu deferatur, sed tortuoso, unde alternis & hæ & cor contrahuntur. Jam verò arteriæ venarumque suæ alternis contrahuntur ac dilatantur; tum quia auriculis contractis venæ dilatationem, arteriæ contractionem obtiñent; tum quia arteriæ contrahuntur eadem proportionem qua ex iis in venas fluit sanguis, atqui eandem venæ dilatantur: ergo in arteriis ac venis alternum elaterium, alterna contractio, alterna dilatatio. Proinde sanguis in arteriis coronariis, non habens regressum, impetu suo prorsum nitens, juvante elaterio arteriarum, sese à maximâ dilatatione relinquentium, favente alternatione venarum ad dilatationem tendentium impetu elastico, viamque sanguini aperientium, sanguis (inquam) influit in venas; ac statim detumescens arteriis, venæ implebuntur, dilatantur, nonnihil breviabuntur; & quia sunt in exteriori superficie & pellucidæ, jam color rubeus, tumque liquor sanguineus in auriculam ventriculorumque eructabitur, tum cor dilatabitur; eoque pacto explicabuntur omnia in corde & auriculis dilatatis phenomena.

Borellus, Birnnullius.
Steno.
Lib. de Variol.

IY.

SANGUIS è corde expulsum subit arterias, nec in his stagnat, sed transit porrò in venas (a). Atqui causa tota sanguinem ex arteriis in venas ita expellens ut illæ liquore evacuentur, non cor solum, sed maximè arteriæ ipsæ nativo elaterio ad contractionem à nimia dilatatione resistentes. Namque nulla cordis efficacia in sanguinem arteriis jam intrusum, quem nec tangit; impetus quidem sanguini à corde impressus nonnihil perseverat, sed (b) valde elisus ob resistentiam in arteriis usque usque angustioribus semper novam, languidissimam ob flexilitatem ac dilatationem arteriarum earumdem vim sanguinis fluxumque sensum cedendo heberantium: restat igitur ut ipsa contractio arteriarum (c), quæ solemnis est naturæ industria v. g. in ætrophago ac ductu intestinali, maxime conferat ad sanguinem ex arteriis in venas expellendum. Sed nec contractio nec dilatatio arteriæ contingit puncto tempore in toto ductu; nam sanguis è corde erumpens non ductum ubique arteriosum simul attingit, non tamen dilatat nisi tangendo; certè ne lumen quidem puncto tempore propagari nuper constitit; denique si universa fieret toto simul ductu dilatatio, ergo & contractio; atqui si contractio simul universa fiat, jam versus cor sanguinem repulerit, eâ enim in parte quia latior alveus & resistentia minor: illa tamen successio toto ductu celeritè contingit, itaut exilissima sint discrimina. Eadem contractio arteriarum nonne tantum sèc sanguini motum restituit, quantum resistentia ibidem occurrens eliserat? arteriæ certè contractione suâ tantum ultra situm naturalem resiliunt, quantum ab eodem in suâ dilatatione deflexerant; tantum igitur repellunt sanguinem, quantum eas ipse impule-

Borell. 2. part. prop. 74. & 75.
Borell. Ibid.
Be'tinus de motu b. his. Borella. Ibid.

• D. Meray.

• D. Jobelot,
Traité des Mi-
croscop.

f. 1. Part. prop.
21.

rat; par proinde utrinque communicatio motuum; præterea nonne mutua impulsio & repulsio in machinâ perenni æqualis? aliundè (d), ut fiat circuitio perpetua & uniformis, necesse est in cor per venas tanta sanguinis copia tanto tempore restat, quanto per arterias è corde emittitur; ergo toto corpore magna fluendi celeritas. Itaque per motum partim à corde impressum, partim ab arteriis restitutum sanguis subibit canaliculos membranosos (e), per microscopia nuperrimè detectos, venis arteriisque interpositos, breves; & quidem subibit rapido motu, ut satis liquet cùm ex ejusdem per apertam venam saltu valido acque alto, tùm ex citâ per apertas venas totius effusione; non itaque subibit illâ (f) (ut falso conjicit Borellus) filtratione & insinuatione languidâ, qualis in aquâ spongiam subeunte. Refluet ergo sanguis in venas, cum motu maximo, partim quem cor indidit, partim quem arteriæ & canaliculi membranosii restituerunt. In venis autem, quia latior alveus, par liquoris copia languidiore manat fluxu; at copia sanguinis major; & tantò major, quantò latior alveus; itaque celeritas residua non hebescet, imò augebitur; quia sanguis elasticus è spatio minori in majus se effundere nitetur, quia canaliculis usque usque progrediendo latioribus resistentiam usque usque minorem offendet, quia venæ suâ contractione cum inveniunt procliviorē fluxu in ampliora quàm in angustiora vasa, & eundem prorsum urgebunt: Ergo, etiam si minor sit sanguinis contenti intra venas quam intra arterias velocitas, certè minorem celeritatem moles major compensabit. Totus porrò contentus intra venas liquor, quia versùs cor manat, incumbit, tanquam in basim, aut in orificia ventriculorum dum sunt auriculæ dilatatæ, aut in orificia auricularum dum eadem contractæ, tùmque etiam nonnihil in orificia ventriculorum; nempe aurículas contractas premendo: hincque, ratione habitâ & molis & velocitatis, æstimemus quanto sanguis momento nitatur ad molendam cordis dilatationem: imò judicemus, 1^o. Arterias iisque contentum sanguinem cum venis & contento intra eas liquore, 2^o. Cor cum utrisque ob allabentem sanguinem æquilibrari, 3^o. Tantumdem impressionis refuere in cor, quantum aliis ipsam partibus indidit.

V.

PONANTUR jam omnia, qualia constat reverà existere. 1^o. Venæ cava & pulmonaris (dum auriculæ contractæ) nimium dilatatæ contractionem affectant; earumdem nifum juvat sanguis, motu elastico se à nimia in venis compressione restituens, motu liquiditatis viam quoquoersum moliens & ruens quâ resistentia minor, motu progressivo in orificia auricularum incumbens vi indefinenter crescente ob copiam indefinenter supervenientem; favet status auricularum peractâ jam contractione dilatationem ineuntium, ventriculorum qui, dum contractionem inchoant, suas auriculis fibras relaxant, sanguinis ex arteriis auricularum in venas effluentis ac proinde contractionem remittentis: ergo auriculæ iam aut nihil aut parùm resistentes, sanguini cedunt irruenti, copioso, tantoque affluenti quantum iis implendis satis: 2^o. Auriculæ sanguine illato violenter dilatatæ, jam nativo elaterio contractionem, quam maximam possunt, moluntur; earum instinctum juvant venæ ad dilatationem nunc nitentes, ideoque fibras in suâ parte elongantes & breviantes in parte auricularum; adjuvat sanguis potentissimè in orificia ventriculorum incumbens, favet status cordis à contractione nitentis suo elaterio ad dilatationem, fibrasque tùm in suâ parte elongantis, tùm breviantis in alterâ; rursus adjuvat sanguis arteriolas auricularum subiens, implens, dilatans, brevians, ac proinde contractionem efficiens: ergo auriculæ jam contrahuntur, sanguis in iisdem contentus aut fluit in ventriculos apertos, aut, quia & illæ ventriculis capaciores & nullæ ad orificia auricularum valvulæ, refluit in venas; unde sanguis, dilatatis auriculis, totâ & molis & velocitatis vi incumbens in ventriculorum orificia, eos dilatat, favente sanguinis, qui arterias coronarias impleverat ac contraxerat, effluxu in venas, tantusque subit quantum concineri potest. 3^o. Ventriculi sanguine violenter affluente nimium dilatati, nativo elaterio moluntur contractionem; adjuvat, nifus auricularum sese dilatantium, nifus arteriarum pariter affectantium dilatationem, nifus sanguinis quoquoersum nitentis & ex ventriculis (dum copiosus

& torrens illabitur) in aortam, quā patet via, exiliensis, In arterias coronarias li-
 quore subeunte infundas, dirigendas, breviandas irruentis, atque prout arteriæ cora-
 nariæ implentur, id est, prout ipse contractionem ventriculorum efficit, foras se ex-
 pellentis è ventriculis cavitatibus : 4^o. Eructato è ventriculis sanguine incumesc-
 cunt arteriæ, suo jam ipsæ elaterio dilatationem à contractione affectantes (a) : in iis-
 dem triplo celerius volvitur sanguis, quàm cor ipsum contrahitur ; quò autem rapi-
 tur celerius, eò rapidius subit ac potentius contrahit arterias coronarias : arteriis sese
 mox contrahentibus, idem evonitur in venas, inde in cor rursus ingruit ; sique
 circuitu & perpetua & uniformis. Eamque hypothesim facit probabilem, magnum in
 machinâ naturali argumentum, simplicitas, probabiliorem summa in explicando aliter
 motu cordis (ut significantiori verbo abstinere) difficultas, probabilissimam maximam
 questionum eo pacto extricandarum facilitas. Si enim quæras, unde motus cordis pti-
 mum cøperit : adest responsio : siue enim totum animalculum in patre aut matre præ-
 formatum latuisse placeat, ergo jam ab ipsâ præformatione in continuâ virorum pa-
 rentum successione moveri perrexit, moto aut paterno aut materno corde ; siue arte
 quâdam nobis prorsus ignotâ recens compingi asseveres homuncionem in uteri ma-
 terni cæreere, jam cordis illius motus à moto sanguine materno & in fœtum delato,
 Si interroges, unde in *ratibus* & in *muribus* tantum robur : Nonne à cordis impulsu & motu
 sanguinis vehementiori ? quoniam in iis affectibus pulsus validissimus ac frequentissi-
 mus, ardentes oculi, totius pænè corporis rubra superficies, patientia frigoris tanta,
 aut potius nullus frigoris sensus. Si seisciteris, unde tanta in corde vis ad impellen-
 dum sanguinem : scilicet partim ab elaterio cordis ipsius, partim & maxime ab ipso
 sanguine ventriculos & dilatante dum ingruit, & contrahente dum exiens subit arte-
 rias coronarias : quæ vis quanta esse debeat (per comparationem aut aëris in vesicâ
 insufflatai aut aquei liquoris funem subeundo contrahentis) æstimandum ex velocitate
 & copîâ sanguinis arterias coronarias subintransis ; si enim is multus, jam illæ valide
 dilatari, dirigi, breviori debent ; si celer, jam eadem rapide dilatari, dirigi, bre-
 viari debent ; tantòque validius ac rapidius, quantò & arteriæ in exiliores divisæ ra-
 mulos, & hi favente suo elaterio se aprant per alternam dilatationem irruenti san-
 guini ; tantâ denique vi arterias subit coronarias sanguis, quantâ ventriculi contra-
 huntur, & tantâ hi contrahuntur, quantâ easdem ille subit : unde illa de efficaciâ cor-
 dis (b) à doctissimo Borello demonstrata explicantur. Si percuncteris, unde motus in
 quibusdam machinâ nostræ partibus naturales & non interrupti, v. g. in œsophago,
 in ductu intestinali, &c. Nempe partim ab ipso fibrarum elaterio, partim & maxime
 ab ipso sanguine, qui dum subit arteriolas ibidem sitas, inflat, dirigit, breviam ;
 dum exit, easdem laxari, incurvari, elongari sinit, quin etiam dum arteriolas ingre-
 ditur, unam in partem dirigit & breviam ; dum exit in venas ex arteriis, alteram in
 partem dirigit & breviam, unde vibrationes alternantes. Si inquiras, unde tantum in
 sitis vivis elaterium : Nonne partim à structurâ solidâ, partim ab aëre intus incluso,
 maximam verò partem à sanguine intrus in ipso textu per arteriolas venasque inibi co-
 ronarias quasdam manante, ac vias sibi quidem destinatas sed violento situ aliquo &
 positurâ incommodâ coarctatas dilatante ? Si roges, unde rancæ avulsæ corde natare
 aliquandiu pergant, unde vermium multifariam sectorum partes singulæ moveri per-
 severent, unde muscæ detruncato capite tamen avolent : Nimirum sanguis in illis ani-
 malculis circuitu lento fluens phenomena isthæc prodit omnia. Nunquid denique
 eadem viâ ac ratione innotescent pulsum differentie, celeritas vel rarditas, magni-
 tudo vel parvitas, intervallorum æqualitas vel inæqualitas, æquabilitas vel inæquabi-
 litas, intermissio, cessatio, instauratio ? Illa enim partim à sanguine, partim à corde,
 partim ab utroque simul. Possunt itaque omnia, quæ ad cordis & sanguinis motum
 pertinent, & fieri & explicari non ninoti cum facilitate, majori cum simplicitate,
 majori cum perspicuitate, viâ denique quâdam ad machinam perennem accommoda-
 tiori, sine spiritu animali qui prorsus ignotus est, sine fermento quod nullo argu-
 mento supponitur ad cor movendum, sine aëre alio ullo quam qui intus & in liquo-
 ribus & in partium solidarum texturâ natus latet : & corde sanguinem, & cor san-

a Borell. 1.
 part. prop. 62.

b 1. part. cap. 95.

2

guine moventibus, viget æquilibrium, constat sibi machina perennis stabilior, notior;
simplicior.

*Ergò perpetuus & cordis à sanguine & sanguinis à corde motus
ob æquilibrium.*

Domini Doctores disputaturi.

*M. Thomas-Bernardus
Bertrand.*

*M. Hyacinthus-Theodorus
Baron, Scholarum Pro-
fessor.*

*M. Alexander-Petrus
Mattot.*

M. Egidius Adam.

*M. Joannes-Nicolaus de la
Hire, Pharmacia Pro-
fessor, & à Regiâ Scien-
tiarum Academiâ.*

*M. Alexius Littre, Regiâ
Scientiarum Academiâ
Socius.*

*M. Camillus Falconet,
Regiâ utriusque Æque-
stris Medicus ordinari-
us.*

M. Antonius Geoffroy,

*M. Petrus-Joannes Burette,
Professor Regius, à Regiâ
humaniorum Litterarum
Academiâ.*

Proponebat Parisiis JOANNES MOULLIN, Ebroïcensis,
Baccalaureus Medicus, A. R. S. H, 1721.
à sextâ ad meridiem.

Typis J. QUILLAU, Univers. & Facult. Medicinæ Typographi.